



Broj: 13-02/1-05-32305/17

Sarajevo, 07.11.2017.godine

SKUPŠTINA KANTONA SARAJEVO

Služba za skupštinske poslove

KANTON SARAJEVO

Stručna služba Vlade

N/r Sekretara

-Ovdje-

Zastupnica Neira Dizdarević je na 33. Radnoj sjednici Skupštine Kantona Sarajevo, održanoj dana 02.10.2017.godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, pokrenula zastupničku inicijativu kako slijedi:

"ovim putem apelujem da Ministarstvo obrazovanja Kantona Sarajevo iznađe način da se, s obzirom da je školska godina već u punom jeku, dječaku Zejdu čim prije obezbijede sredstva za svakodnevan rad sa defektologom".

ODGOVOR:

Obavještavamo Vas da Ministarstvo za rad, socijalnu politiku, raseljena lica i izbjeglice Kantona Sarajevo podržava inicijativu da se u okviru nadležnosti Ministarstva za obrazovanje, nauku i mlade Kantona Sarajevo iznalaze adekvatni načini za pitanje pružanja podrške djeci sa teškoćama u razvoju kroz odgojno-obrazovni rad.

Ministarstvo je opredijeljeno da implementira principe Konvencije o pravima osoba sa invaliditetom koju je ratificirala Bosna i Hercegovina 2010.godine.

Ovo ministarstvo pruža podršku i realizira zajedničke aktivnosti sa Udruženjem porodica /obitelji djece i osoba s poteškoćama u razvoju "Dajte nam šansu" na stvaranju uslova za rad Servisa centra za podršku porodicama sa djecom sa poteškoćama u razvoju, kako bi roditeljima bila obezbijedena podrška u njihovoj brizi o djeci, a što je najefikasnija prevencija institucionalnog zbrinjavanja djece sa poteškoćama u razvoju.

U oblasti socijalne i dječije zaštite posebna zaštita ogleda se i posvećena je osposobljavanju za život i rad djece sa poteškoćama u razvoju, kao i djece kod koje je invalidnost uzrokovana povredom ili bolešću. U tom smislu zaštita ove djece se vrši na način da im se obezbjeđuje redovno školovanje ili školovanje u školama specijalnog tipa i ukoliko iste imaju internatski smještaj, odnosno dnevni boravak, smještaj se izmiruje iz budžetskih sredstava u visini ekonomski utvrđene cijene, kao i rehabilitacija u cilju osposobljavanja ove djece i odraslih lica sa invaliditetom za samostalan život i rad.

U cilju razvijanja vaninstitucionalog zbrinjavanja i razvijanja usluga u oblasti zbrinjavanja osoba sa invaliditetom (stanovanje u lokalnoj zajednici), te provedbe programa prevencije institucionalizacije i deinstitucionalizacija osoba sa invaliditetom u Kantonu Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo je dana 14.07.2017.godine potpisalo je Sporazum o saradnji na prevenciji institucionalizacije i deinstitucionalizacija osoba s invaliditetom u Kantonu Sarajevo sa Javnom ustanovom "Kantonalni centar za socijalni rad" i Ustanovom socijalne zaštite "Sumero centar za podršku osobama s invaliditetom u lokalnoj zajednici". Ovaj sporazum ima za cilj pokretanje aktivnosti u vezi sa procesima kada je u pitanju zbrinjavanje osoba sa invaliditetom u Kantonu Sarajevo, na način kako je to definisano Politikom u oblasti invalidnosti Bosne i Hercegovine ("Službeni glasnik BiH", broj 76/08), Strategijom za unapređenje prava i položaja osoba s invaliditetom u Federaciji Bosne i Hercegovine 2016.-2021.godine, a u cilju poboljšanja kvaliteta života i zaštite ljudskih prava i osoba s invaliditetom.

Takođe, Ministarstvo podržava rad nevladinog sektora kroz dodjelu novčanih sredstava humanitarnim organizacijama/nepofitnim organizacijama i udruženjima putem Javnog poziva za tekuću godinu, te putem Javnog poziva za prikupljanje prijedloga manifestacija i aktivnosti koji će se finansirati/sufinansirati u okviru obilježavanja "Dječije nedelje" u Kantonu Sarajevo za tekuću godinu, putem koje se realizuju manifestacije i aktivnosti koje se odnose na promociju, edukaciju i unaprijeđenje položaja i prava djece sa posebnim potrebama.

S poštovanjem,

Pripremila: Cica Pljevljak, Šef Odjeljenja za socijalnu zaštitu, [REDACTED]
dječiju zaštitu i zaštitu porodice sa djecom

Kontrolisala: Slavica Gorančić, pomoćnik ministrice [REDACTED]

MINISTRICA

[REDACTED]
Amela Dautbegovic



Dostaviti:

- 1.Naslovu 3x
- 2.a/a.



web: <http://mrsri.ks.gov.ba>

e-mail: mrsri@mrsri.ks.gov.ba

Tel: + 387 (0) 33 562-089, Fax: + 387 (0) 33 562-090

Sarajevo, Reisa Džemaludina Čauševića 1

